





Math Geom



DE  
HOLOMETRI  
FABRICA ET  
VSV INSTRV-  
MENTO GEOME-  
TRICO

Olim ab Abele Fullonio apud Henricum I. Gallia regem inuento:  
nunc verò Io. Nicol. Stupani Philosophi & Medici opera, sermone la-  
tino ita explicato, vt ad omnis generis dimensiones inue-  
stigandas, & regiones describendas vtilissi-  
mum simul & facillimum  
esse queat.

*Accessit Federici Delphini, clariss. olim apud Patavinos Mathe-  
matici, iocundiss. disputatio de Aestu Maris, & mo-  
tu octavae sphaera.*

A D  
Generosum & Magnificum D. D. Ioannem Os-  
molsky de Prauuedniky Po-  
lonum.



BASILEAE.  
PER PETRVM PERNAM.  
1577.



St. 808  
Mt. 1595



P. 278/67/41

P/74/17 P/200/90



# GENEROSO ET

MAGNIFICO D. D. IOAN=

NI OSMOLSKY DE PRA=

VVIEDNIKY POLONO, VIRO

non minus proptia virtute,quàm

maiorum imaginibus

Illustri. S.



**Q**UOD *Arist. summus Philosophus, in principio libri de Amina inquit, Osmolsky magnifice, eam Doctrinam quæ de viribus humanae mētis, totiusq; Aminæ natura instituitur, cū ob subiecti ipsius, de quo differit, præstantiam, tum ob certitudinem demonstrationum, præ cæteris scientijs quàm plurimis esse maxime excellentem: id nos ad mathematicas scientias etiam, & præsertim ipsam Geometriam iure accommodare possumus: quoniam hæ quoque alias quamplurimas vtriusque rei respectu antecedunt. Nam ex hisce discimus pulcherrimã hanc mundi machinam, non fortuito & casu ex Atomorum concursu, vt stultus ille Democritus afferebat, sed ab artifice sapientissimo fabrefactam, omniaque in ea certo pondere, mensura, numero, proportione & ordine disposita esse. Hanc rerum omnium proportionem iustissimam, dum Mathematicus cognoscit numerat, metitur, & cõtemplatur: quid eo potest esse diuinius? Archimedes finge tibi ante oculos positum, & vitream suam machinam demonstrantẽ, qua cælestium Sphærarum motus omnes & singulos ita expresserat, vt non aliter atque in cælo ipso, cernerentur erraticæ simul & fixæ stellæ suos cursus conficere: an non sic eum, quàm proximè accedere censeret ad Dei illam imaginem, ad quam conditum fuisse hominem ab initio accepimus? Quod si Archimedes contendas talem fuisse, cui non liceat similem amplius inuenire: ad id ego respondeo, nihil ob stare, quominus in ijs, quæ etiam nunc præstare possunt qui in Geometria vel mediocriter se exercuerunt, eandem diuinitatis rationem ostendamus. Etenim Terræ totius ambitum certa demonstratione inuenire, eiusdem profunditatem inuestigare, singularum cæle-*



stium sphaerarum distantiam, quam à terra habent, indagare, singulorum orbium motus explicare, supputare, Eclipses solis & lunæ multis annis antea prædicere: an non hæc humanitatis nostræ captum superare, & diuorum propria esse videntur? Demonstrationum verò quanta certitudo in Geometria sit, & in ijs etiam quibuscumque illa ancillatur, notius est quam vt explicatione opus habeat. Nam cum perfectæ demonstrationis exempla petuntur, non aliud à sapientissimis viris, quam ex Geometria desumi consueuerunt. *V*sus autem harum artium talis est etiam, qui earum dignitatem vel maximè comendet: quoniam is non tam ad eos deriuatur, qui illas artes exercent, quam ad publicam utilitatem refertur. Etenim qui in Geometria & cæteris Mathematicis artibus ita se exercent, vt excellentes euadant, præter illam voluptatem, quam maximam alioquin ex harum rerum contemplatione sentiunt, nullum singulare commodum priuatim percipiunt: sed tota illa utilitas, quæ reliqua est minimè vulgaris, ad communem hominum societatem pertingit. Cognitio enim cælestium motuum, & eorundem certa computatio, annorum limites parit, & tempora distinguit: sine quibus neque *H*istoriæ ratio constare, neque vlla antiquarum rerum certa memoria, ad posteros peruenire potest. Elementis Geometriæ Architectura nititur, & multarum machinarum, quæ bono publico utilissimæ esse queant, constructio ex iisdem fundamentis dependet: cui rei satis argumento sunt, præter alia infinita, vnius Archimedis ingeniosæ illæ fabricæ, quib. sicuti apud *L*iuium lib. 24 legimus, vniuersæ Romanorum vires in Syracusarum oppugnatione, diu euincebantur. Quæ cum ita se habeant, mirum nemini videri debet, quòd cum cæteris artibus, quæ lucrosæ sunt, magnus hominum numerus sese addicat: hæc tamen à paucis excolantur. Nam qui ea studia sequuntur, quæ publico bono potius, quàm priuato commodo sint profutura: eos excellenti animo & virtute esse oportet, et diuinitus potius ad ea excitari, quam proposito præmio impelli. Ac tales profecto comperimus fuisse cum Mathematicos ipsos excellentes, qui in singulis monarchijs has artes ab interitu vindicarunt, easque nobis successionem quadam reliquerunt: tum eos etiam qui Mathematicos hosce fouerunt. Nihil dicam de *S*eti posteris ipsoque *A*brahama, qui primi perhibentur esse Geometriæ & *A*stronomiæ inuentores, quoniam horum gloria & virtus ex  
sacra

*sacra historia notior est, quàm ut nostra laude indigeat. Posteriores inspiciamus, qui et quales fuerint. Homerus nobis Achillem mathematicum describit, cui Vulcanus clypeum variarum stellarum motibus insignitum fabricat. Apud Euripidem Hectoris summi illius Herois milites, noctis vigiliis ex ortu & occasu stellarum describunt. Anni nostri, quo etiamnum historias distinguimus, limites primus Romani imperij Monarcha C. I. Caesar constituit, & quantitatem indagavit. Qui verò eum sequutus est Ptolomæus tempore Adriani Imperatoris, & vniuersam Astro-nomiam perfectissimis demonstrat rationibus constituit, compleuit & perfecit, ex regia Ptolemæorum Ægypti stirpe ortus fuisse perhibetur. Iam ante verò Archimedes & Hypparchus, in instrumentis excogitandis quanto ingenio fuisse memorantur? Neque is multum inferiores censendi sunt, qui patrum nostrorum memoria, aut paulò antè etiam fuerunt, cum Mathematici, tum eorum fautores. Cui rei argumèto sunt inter cætera Alfonsina & Prutenica tabula, quibus nostris temporibus frequenter utimur, easque Alfonsi & Borussorum principum liberalitati debemus. Ioannem Regiomontanum Mathias Pannonia rex fouit: Cyprianum Leouicium ad Ephemerides suas conscribendas Otto Henricus Palatinus princeps Elector, insignis ipse quoque Mathematicus excitauit. Nec desunt vel mille exempla summorum & illustrissimorum virorum, qui has artes publico boni causa illustrarunt, fouerunt, auxerunt & exercuerunt. Atque eos imitatus es tu quoque Osmolsky nobilissime: nam cum in gente Polonica ex summa nobilitate ortus esses: non tam genus & proauos, & que non fecimus ipsi, quàm ea que propria virtutis testimonia sunt, excolenda tibi esse censuisti. Itaque in tenui etate varias regiones peregrinatus, linguarum cognitione, & optimis disciplinis cum cæteris tum Mathematicis præsertim animum tuum exornasti. His instructus ad Rempublicam accessisti, ei que, summis honoribus perfunctus, magna cum laude diu præfuisi. Et quamuis in gerendis illis tuis magistratibus, perfungendis que honoribus, non minorem laudem consequutus sis, & consequi etiamnum posses, atque olim consequuti sunt pater, auus, proauus, Attauusque tuus, totaque illa nobilissimorum Osmolskiorum familia: nihilominus tamen cum intelligeres, quantis cum molestijs & animi perturbationibus coniuncta*



esset vita illa civilis, etiamsi maxime circa res laude dignas versetur: & è contra, quanta cum animi tranquillitate coniunctum sit ocium istud literarium, atque hæc cum humanarum tum diuinarum rerum contemplatio: ex illis turbis in hanc quietem, ceu ex alto mari in portum redeundū tibi esse existimasti. Quò non medio criter etiam te impellebant nouæ illæ & ciuiles discordiæ, quibus patria dulcissima in extremorum horum regū electione laborare incipiebat: quæq; nisi deus maturè præuidisset, altius radices agere videbantur. Itaque ex tantis turbis, ad Philosophiam quietis causa reuersus solatiū iure potuisse ex iisdem studijs repetere, quib. olim animū excolueras. Mthesim ipsam autē præ cæteris tãci fecisti, vt te nobis instituendum etiã tradere volueris. Quam in re profectò Apollinis oraculū per belle sequutus esse videris, quo ille pacē et tranquillitatē Græciæ recuperari posse præsagiuuit. Nam cum esset tunc Græcia bello ciuili & alijs calamitatibus non minus perturbata, quàm vel tua Polonia tunc cum inde discederes, vel Gallia etiam nū: consuluerunt Apollinem, qua ratione ijs miseris finis tandem posset imponi? Respondit ille, si Aram, quæ in Delo illi figura cubica esset, duplicarent. Delij adiecta alia Ara eiusdem figuræ, se oraculo paruisse putabant: sed cum non cessarent interim ciuiles discordiæ, Platonem interrogarunt, rectè ne Oraculo sic paruissent? Respondit Plato, Cubum illius Aræ Delphiæ fuisse Geometrica ratione duplicandum: Geometricam verò figuræ cubicæ duplicationem, ex Geometriæ & Philosophiæ cognitione dependere. Itaque eam esse Delphici oraculi sententiam, quòd Græcos si tranquillitatem vellent recuperare, ad Geometriæ & Philosophiæ studia redire oporteret: hac ratione enim sola perturbatos eorum animos, iniuriarum obliuisci & paci operam dare posse. Hanc Delphici Oraculi explicationem, si omnes in orbe Christiano sequerentur, sicuti tu, magnifice Osmolsky, eam sequeris & amplecteris, breui temporis spacio, haud dubiè pacem vbique essemus habituri, & longè felicius victuri. Ego verò etsi iam tum, cum à me cuperes in Mathematicis erudiri, facile tenuitatem meam agnoscerè, cum in cæteris, tum in hisce artibus præcipuè: simulq; facile intelligerem, me plura abs te discere, quàm tibi docendo impartiri posse: nolui tamen quicquam tibi denegare eorum, quæ amore mei potius, quàm erudiendi tui causa petere videbaris. Itaque etiamsi nostra illa de rebus Mathematicis colloquia, postmodum intermitterentur propter vtriusque nostrum negotia: cogitavi tamen sem-

à me



per aliquid tibi parare, cuius lectione melius id consequeris, quod primū à me petebas, quàm ipse viua voce id tibi possem communicare. Itaque Holometri Geometrici, eiusque pulcherrimi instrumenti fabricam, & usum varium tibi describere constitui. Huius inuentor non ego equidem, sed Abel quidam Fullonius apud Henricum II. Galliareregē fuit. Mihi tamen eius fabricæ explicationem, & usus manifestam declarationem vsurpare iure videor: quoniam inuentor instrumentum vt potuit lingua materna descripsit: ego lingua latina manifestè & dilucidè, eiusdem instrumenti fabricam simul & usum expressi. Holometrum vocauit primus inuentor, quia eo vnico omnis generis dimensiones inuestigantur, in longitudinem, latitudinem simul & profunditatem: eodemq; etiam regionis oppida, arces, aliaq; loca, vt in Geographicam tabulam transferri possint. Huic nostro instrumento, quod propter figuras erat paulo maiori forma imprimendū, adiecimus Federici Delphini, olim in Patauina schola professoris, Matheseos iocundissimam disputationem de varietate motus maris, quam ex vario solis & lunæ ituitu obtinet: ne liber sci licet esset nimium tenuis. Omnia hæc denique condire placuit noua disputatione eiusdem Delphini, de Octauæ spheræ motu: quæ cum subtilior sit & paulo obscurior, præcedentium duorum iocunditatem, occasione meditandi condire poterit. Hæc verò Osmolsky magnifice, si tibi grata esse cognouero, dabo equidem operam, vt propediem aliquid absoluam, quod magnificentia & Generoso tuo nomini magis conuenire videatur. Vale. Basileæ.

Generosi tui nominis  
obseruantis.

Io. Nicol. Stupanus Rhetus,  
Med. Doctor, & Arist.  
Organi professor.

Faint, illegible text, likely bleed-through from the reverse side of the page.

General and  
contract

to the  
Med  
Contract

# DE COPOSITIO

## NE INSTRUMENTI ET

### SINGVLIS EIVS

*partibus.*

### CAPITVL



**T** Instrumenti huius compositionem, & Vsum, sicuti à nobis explicandus suscipitur, commodius intelligas: non id totū ad vniuersum solummodo, sed singulas etiam partes singillatim proponā & explicabo. Nam demonstratis singularum eius partium appellatione, figura, & compositione: non difficile etiam

totius Instrumenti structura & vsus patebit.


Instrumentum ipsum integrum Holometrum appellauimus, propter causas iam ante in præfatione explicatas: eiusq; partes præcipuas sex constituimus, Tabellam, Rectorem, Basium, Virgas binas, & Pedem.

Tabella ipsa fundamentum est, cui reliquæ partes huius instrumenti insunt. Cæterum planam illam omnino esse oportet: ne quid aliàs erroris, inter metiendum incidere queat. In eius medio Indicem magnetinum ita collocabis, vt solet in horologijs quæ ex solis irradiatione horas monstrant: nam huius opera recte collocandum est instrumentum, dum eo vtimur: & de vno loco in alium translatum, potest eiusdem Indicis obseruatione cognosci, an eundem situm quem antea obtinebat. Indice magnetino in centro tabulæ collocato, describes aliquot circulos, cuiusmodi, vides in subiecto diagramate, super eodem tabulæ centro, eosq; ab vno angulo quadratæ tabulæ ad alterum, ductis per transversum diametris primum quadrabis: singulas quartas rursus in quatuor partes æquales distingues, atque has in interiori limbo rursus bipartito, in exteriori verò in quinas partes distribues: ad ventorū



rationem nimirum commonstrandam. Singulis autem diametris, quos primum ab vno tabulæ angulo ad alterum duxisti, singula puncta quatuor angulorum mundi adscribes: Orientis inquã, Occidentis, Aquilonis & Meridiei: veluti in exemplo subiectæ figuræ id cernere est. Atque hisce quidem constat tabellæ nostræ fabricatio, quæ si velis, etiam sine reliquis Instrumenti partibus, vtilis esse poterit ad nauigandum, cuniculos agendos et alia. Et quia horizontis ratione obtinet, licebit tibi locum tuæ habitationis in Centro collocare foris ad extremitatem id est regiones, quæ tuam habitationem ambiunt, vt sic tibi ad alios quoque vsus vtilis esse queat.


Tabula.



**R**ectoris constructio, ex Orbe constat, & Regula orbis Centro connexa. Orbis ipse primum in quatuor partes æquales distribuatur, & singulæ rursus in viginti quatuor alias itidem æquales: quæ ductis ex centro lineis, in limbi extremitate

tremitate distinguantur, & numeris insigniantur, non aliter atque in proposito diagramate apparet. Huiusmodi autem distinctio orbis, inseruiet ad altitudines si. n. ul & profunditates rerū metiēdas :

quamobrē Regulæ quoq; extremitatib. pinnacidia apposita sunt, vt per eorum foramina, res prospici queāt, quorum distantias mensurasque inuestigamus. Rectorem vero appellamus hanc Instramenti nostri partē, quia illius opera Virgæ binæ, atque etiam Basis reguntur: in rerum distantijs enim inuestigandis, singulis Virgis singulos Rectores ad angulos rectos eleuatos imponimus, perpendiculi videlicet ope, q̄




ex Centro orbis (cui per clauum etiā Regula adhæret) dependens, in Virgas ad tabulam rectā incidit, et vtrū tabula quoq; horrizōti parallela sit, vna eademq; opera monstrat, secundū doctrinam decimæ quartæ vndecimi Euclidis. a 2




4 DE HOLOMETRI FABRICA ET VSV

**B**Asin dicimus, quia cum binis virgis triangulum cōstituit, cuius ipsa basis existit. Est autem limbus tabulę extremitati adiectus, gradib. vt hic cernere est distinctus atq; numeris mobilis, cum quadam insertione ita fabrefacta, vt educi & lōgior fieri basis queat: atque ea pars quę in alterā inseritur, eodem modo planē numeris gradibusque distincta esse debet vt reliqua cui est inserta. Insertionis huius rationē monstrat superiori parte tabulę intercapedo A.



Tabula.




**V**irgę sunt bini recti baculi, gradibus numerisque distincti eadem planē quantitate vt in Base & ipsius insertione. Ex hisce



ABELLIS FVLLONII


3

hifce dextra, basis principio ita est coniuncta per clauū, vt mo-  
ueri possit, & cum basi copulari, & separari ab eadem. Sini-




stra cum quadrante mobili ibidem coniuncta est basi. Quadrans verò cui coniungitur moueri potest sub basi, ita videlicet in ipsa insertione fabrefacto spacio, quo suo motu Virga hæc versus dextram flecti, & ab eadem reflecti queat, atque tota etiam cum basi & dextra Virga componi. Quadrans iste mobilis eiusdem magnitudinis esse debet, ac si ex Circulo Retoris sumptus esset, & eodem modo itidem in viginti quatuor partes distinctus.

**D**E S ipse cui tabula cum cæteris Instrumenti partibus innititur, ita conformatus esse debet, vt globo exacte sphærico, tabulæ coniungatur: ob eam causam scilicet, vt pede ipso manente immobili, Instrumentum ipsum tamen, prout inter vsurpandum opus fuerit conuerti in hanc aut illam partem queat, & cum rectè collocatum fuerit, rursus exiguo prælo, claudi & confirmari: veluti ex hoc diagramate licet intelligere, quo Instrumentum cum omnibus suis partibus, pedi innitens effinximus.





ABELIS FVLLONII



## DE RATIONE VNIVERSALI,

*Instrumenti huius vsurpandi.*

## CAPVT I I.

**H**OC loco iam monendi primum sumus, graduum distinctiones illas quæ in Basi, atque virgis continentur, repræsentare posse cuiusque generis mensuras, prout ei libe bit, qui aliquid metiri volet. Itaq; nemini mirum esse videatur, quod insequentibus exemplis, diuersarum quoque mensurarum mentionem faciamus, pedum inquam, passuum, perticarum, & aliarum.

Deinde obseruandum est etiam, triplicē esse in vniuersum rationem vsurpandi huius instrumenti, secundum triplices nimirum dimensiones rerum, ad inuestigandas rerum longitudes, siue distantias à nobis: deinde latitudines, siue quantū res à nobis procul distantes, à se inuicem etiam absint: et denique quantū superiori aut inferiori etiam loco positę sint res, cū nostri respectu, tum respectu aliarum rerum. Et in cæteris dimensionibus, licet ex vno eodemque loco assequi id quod volumus: in inuestigandis autē solis distantijs rerum à nobis, gemino positu instrumenti indigemus, quem geminum positu deinceps primæ & secundæ inspectionis nomine appellabimus. Primum enim ex vno loco spectanda est res, cuius distantiam inquirimus, deinde transferendum instrumentum est in dextram aut sinistram partem recta, aut etiam aliquantum in anteriorem vel posteriorem, prout locus commodior esse videbitur: nam ipsam dimensionem quod attinet, nihil impedit quo minus in hanc aut illam partem transferas. Translato iam instrumento in alium locum, & recte collocato, rursus spectanda est res ea, cuius distantiam inuestigas: sed tum cognito quantum res à te distent per geminam inspectionem: non opus est deinceps amplius gemino instrumenti positu ad cognoscendum quantum res à se inuicem distent, aut quantum vna altera superior existat, vel supra terram omnino emineat.

D B



## DE PRIMO MODO VSVRPANDI

*Holometri, ad rerum distantias inuestigandas, secundum solam longitudinem, qua à nobis distant.*

## CAPVT III.



**N** rerum distantijs per nostrum instrumentum inuestigandis, Prima cura sit, vt Holometrum supra suum pedem rectè collocetur, ita vt tabula ipsa, Basis & Virgarum lōgitudō horizonti paralellæ sint: supra virgas autem, bini Rectores ad angulos rectos consurgant. Id verò efficies cum ipsius perpendiculi de singulorum Rectorum centro dependentis: tum etiam globi ipsius opera, per quem Holometrū suo pedi coniungitur, & in quo cōuer- ti in hanc aut illam partem, atque etiam attolli atque deprimi potest, donec sit paralellum horizonti, & tunc prælo etiam comprimi & confirmari. Instrumento ritè collocato, vt horizonti paralellum sit, aduertere oportet & constituere certum aliquem locum à latere, & certum etiam signum in eo obseruare, ad quem locum, ad quod signum deinde pro secunda inspectione secundoque positu instrumentum transferatur: & ita tabulam Holometri deinde flectere, vt Basis longitudo, versus illud signum rectà tendat. Atque id rursus efficies commodis. alteram virgarum basi applicando, vt secundum eius longitudinem extendatur versus signum, ad quod Basin dirigis, et hinc inde tunc flectere instrumentum, donec per penulas Rectoris, qui ei Virgæ incumbit, signum obseruatum cernere queas: sic enim certus eris te Basin rectè direxisse versus signum pro secundo positu obseruatum. Cum enim vtraque virgarum cum Basis extremitate ita copulata sit vtrinq; vt flecti et cum ea componi queat: sequitur Rectores virgis incumbentes Basin eque dirigere posse, atq; virgas ipsas. Quod si igitur signum pro secundo positu & pro secunda inspectione obseruatum, tibi à dextris sit, sinistra Virgæ, sin à sinistris, dextra Virgæ opera Basin ad illud diriges.

Hac ratione rectè collocatur Holometrum pro prima inspectione rei, cuius distantiam inuestigas. Itaque eo ita immobili manente, Virgam, cuius opera Basim direxisti, lente à Basem flectas versus rem, cuius distantiam quæris, eò vsque nimirū, donec per eius Rectoris pinulas, illam cernere queas: deinde illam firma.

Iam immota manente Virga, quæ primæ inspectioni ei seruiuit, transferendum est instrumentum in signum & locum pro secula inspectione iam cōstitutum: atque hic rursus ita collocandum, vt parallelum sit horizonti, vtque Basis etiam versus signum prioris inspectionis recta porrigatur. Quod proinde non modo alterius Virgæ opera efficies ( quæ Basim complicata, non minus eum versus primæ inspectionis signū dirigit, quā prior illam versus hoc direxerat) sed etiam per indicem magnetinū. Nam si accuratè obseruaueris illius situm, in primæ inspectionis loco, & in secundo hoc positum, curaueris vt eundem situm planè habeat: necessario sequetur, Instrumentum eodem modo iam esse collocatum, vt antea fuerat: et proinde, sicuti prius Basis versus hunc locum spectabat: ita nunc versus locum priorem esse directam.


Holometro iam ritè translato, recteque collocato, antequā opus aggrediaris, necessum est obseruare quantum spacij intersit inter locum primæ inspectionis, & eum quo iam instrumentum collocatum est, quot pedes videlicet, passus, cubitus, perticæ, stadia aut similes aliquæ mensuræ. nam gradus in basi atque virgis distincti, omnibus mensurarum generibus possunt accommodari. At hunc numerum passuum, aut aliarum mēsurarum, quem inter bina loca inuenisti, graduum numero in basi distinctorum cooptari oportet: hoc modo nimirū, vt priori virga, quæ in prima inspectione suū vsum præbuit, firma manente, posterior hæc versus illum propius moueatur, aut ab eadem remoueatur, eo vsque donec inter binos nodos virgarum numerus comprehensus sit, ei æqualis, qui inter binam loca iam est computatus. Quare ita probe confecta, tādē per eiusdem posterioris virgæ Rectorē, aut Rectoris pinulas



las rem, cuius distantiam inuestigamus, prospicere oportet, eodem modo, vt in primæ inspectionis loco per alterius virgæ Rectorem eandem rem prospiciebas. Nam puncta, in quibus binæ virgæ seipso decussatim interfecabunt, monstrabunt distantiam rei de qua querebatur: Prioris videlicet virgæ contactus, monstrabit distantiam rei à loco primæ: & punctum contactus in virga posteriori, distātiā docebit eiusdem rei à loco hoc posterioris inspectionis: gradum enim numerus in virgis accommodabitur eidem generi mensurarū, cui basis iam erat accommodata, dum spacio inter loca geminarum inspectionum comprehenso, applicabatur.

Sit enim propositum exempli gratia, distantiam inuestigare turris alicuius, quæ C. signo notatur, à loco in quo nos sumus, qui sit A. Hic primum in puncto A. collocandum est Holometrū, vt paralellum sit horizonti. Deinde constituendus locus aliquis, pro secundo positu Instrumenti, & pro secunda inspectione, qui sit exempli causa B. ad sinistram. Itaque dextrā virgam cum Basi cōponens, mouebis tabulā Holometri in circuitu, donec per Rectoris incumbētis eidē Virgæ pinnulas, signū secundæ inspectionis B. nimirum conspicias: deinde firmes Instrumentum vt immotum maneat. Hoc facto, eandem dextram Virgam, cuius ope basin versus secundæ inspectionis direxisti, rursus lente à basi remouebis, & versus Turrim conuertes, ad eamque ita diriges, vt per sui Rectoris pinnulas illam prospicere possis: eoque loco deinde Virgam firmabis. Iam vt Holometrum commode in secundæ inspectionis locum B. videlicet, transferre queas, & eodem modo, vt hic est situm, illic collocare: obserua diligenter vt magneticus Index sit positus, & versus quem vētū signumue in circumferentia notatum, eius caput vergat. Translatum enim Instrumentum in punctum B. si ita collocetur vt sit horizonti paralellum, & magneticus Index eundem positum habeat vt prius obtinebat: sequitur hīc quoque basin versus A. signum primæ inspectionis spectare, non aliter atque antea spectabat versus B. ex loco A. Et proinde iustum situm obti-

**DE HOLOMETRI FABRICA ET VSV**  
**here totum Instrumentum, & eodem modo collocatum esse**





vt prius erat. Postquam transtulisti iam Holometrum & rectè collocasti, computa spacium inter A & B primæ & secundæ inspectionis signa: quot scilicet passus, pedes, aut alias mensuras contineat. Et quia deprehendis hoc spacium continere, exempli gratia, centū passus: secundam hanc sinistramque Virgam, priori (quæ immota manere debet) admouebitur ita, vt inter vtriusque nodos centum gradus, æqualis s. numerus, ei passuum numero, qui inter binarum inspectionum puncta est deprehensus, contineatur. Ac deinde eandem hanc sinistram Virgam, versus Turrim C. itidem dirigere oportet, veluti in priori loco dextram direxeras, ita quidem vt per ipsius Rectoris pinnulas, illam cernere queas, nō aliter quam prius illam videbas pinnulis Rectoris Virgæ dextræ incumbētis. Re ita confecta, observa puncta, quibus se binæ Virgæ intersectabunt: nam punctum intersectionis dextræ Virgæ, & numerus graduum ibi notatus, indicabit quot mensuræ sint inter turrim & locum primæ inspectionis interpositæ tales, quales inter locum primæ & secundæ inspectionis deprehendisti, & quibus basis gradus æquaueras. Punctum vero intersectionis et graduum numerus eodem puncto signatus in sinistra Virga, ostendit ibidem quantum Turris à loco secundæ inspectionis distet: eodem nimirum genere mēsurarum, quō basis gradus erant cum spacio primæ & secundæ inspectionis coæquati. Sit autem huius Theorię tale diagramma, vt supra,

### QVA RATIONE AVGERE OPORTET

*in Basi at Virgum significatione si quaudo, propter distantiam magnitudinem Virgæ si nequeant intersectare, dum per Rectorum pinnulas res conspicitur.*

#### CAPVT IIII

**H** M ea res, cuius distantiam inuestigamus, tam procul à nobis obfuerit, vt Virgæ intersectare se mutuo nequeant, dum per Rectorum ijs incumbentium, pinnulas prospicitur: necessum est posterioris Virgæ

gæ nodum in basi, propius admouere nodo prioris, quæ iam vsurpata & suo loco confirmata est: ea ratione nimirum, vt gradus inter binos nodos basis comprehensi, duplo, triplo, quadruplo, aut aliter multiplicati, nihilominus respondeant spacio inter loca binarum inspectionum comprehenso. Quæ quidem ratione, licebit ijs gradibus, qui in basi & Virgis distincti sunt, distantiam tantam metiri, quantam oculus comprehendere potest: quandoquidem licebit graduum significatione, etiam decuplo augere: sed ea ratione vt gradus deinde Virgarum, eadem quantitate computentur atque in basi. Veluti, exempli causa, si in præcedenti theoremate, Turris C. tantum distet ab A & B. primæ & secundæ inspectionis locis, vt Virgæ centum gradibus in basi distantes se interfecare nequeant, dum in secunda inspectione prospicitur, per pinnacidia Rectoris sinistra Virgæ incumbentis: licebit hæc Virgam sinistram propius ad dextram admouere, eò vsque nimirum, vt inter binos nodos non nisi quinquaginta contineantur. Sed sicuti antea centum gradus inter binos nodos basis, applicati centum passibus spacio inter A & B comprehenso, singuli gradus singulos passus referebant: ita nunc oportebit singulos gradus, binos passus referre, nō in basi solum, sed etiam in Virgis. Eademque ratio est si magis adhuc augeatur graduum significatio, dum contrahis nodos basis, vt Virgæ se possint interfecare.

### VT LICEAT QUANDOQVE, SPA-

*tium inter geminarum inspectionum puncta comprehensum, per tertiam inspectionem colligere: veluti cum id permagnum fuerit, aut aliàs tam arduum asperumue, vt recta linea emensurari nequeat.*


#### CAPVT V.



Quoniam in dimetiendis distantijs, quæ aliquot passuum millia excedunt, necessum est per multum spacium, inter geminarum inspectionum puncta intercedere, vt tediosum sit futurum illud emetiri ipsa ambula-



bulacione: imprimis verò etiam, si id arduum aut asperum sit,



vel interiecta flumina & locus: ita enim vix fieri posset, vt certam eius dimensionem ex inambulatione assequeris: idcirco per commodum erit artifici, tunc idem hoc spacium inter geminarum inspectionum puncta comprehensum, per tertiã inspectionẽ colligere. Quemadmodum in sequenti hoc schemate, si Artifex in puncto A constitutus, emeriri velit distantiam ab eo loco vsque ad Turrim F. Atque ad id delegerit sibi B. pro secundæ inspectionis puncto. Hic quia inter A & B. permagna est loci intercapedo, & interiectæ aq̃ue, ita vt dum instrumentum transfers, non possis ipsa inambulatione spacij huius mensuram assequi: idcirco tertium aliquod signum deligere oportebit, pro tertia inspectione, quod nimirum neque tam multum, neque tam aspera via à signo primæ inspectionis distet. Tale autem erit in proposita figura punctum C. Quod cum ab A. puncto primæ inspectionis centum passus abesse deprehendatur: Holometro illuc translato, ceu tertiæ inspectionis puncto, facile erit colligere distantiam quæ est inter A & B. puncta primæ & secundæ inspectionis ab initio constituta, secundum doctrinam iam antè à nobis explicatam.

**I**am inuenta distantia A B. per tertiã inspectionem: quæ sit exempli gratia, mille passuum: licebit transferri Holometrum à puncto primæ inspectionis, ad punctum inspectionis secundæ. Atque illic instrumento rectè posito, oporteret efficiere, vt tot gradus inter binos nodos virgarum continerentur, quot passus inter A & B. sunt inuenti: sed quia basis non nisi centum gradus continet, distantia verò A B. mille passus est deprehensa, oportebit hic vti præcepto præcedenti, & graduum significacionem decuplo augere: nam decies centum itidem mille efficient. Itaque turri tandem prospecta per pinulas dextri Rectoris, obseruandum erit, quo puncto se mutuo Virgæ interfecent, nã graduum numerus ibi notatus quesitas distantias demonstrabit. Dextra quidem Virgæ intersectio monstrat distantiam A F. & intersectio Virgæ sinistræ ostendit



ostendit intercapedinem BF. Quoniam ergo in huiusmodi exemplo, Virgæ dextrę insectio cadit in centesimum & quagesimum eius gradum: pronuntiabis distantiam AF. quę primũ quærebatur, totidem tales mensuras continere, quales eæ sunt, quibus basis gradus erant applicatæ, denis nimirum passibus. Et quia cētum quinquaginta decies aucta, efficiunt mille quingentos: sequitur distantia AF. cōtinere mille quingentos passus. Cæterum hoc loco obseruandum est, quod ante quoque præcepimus, vt in primæ inspectionis puncto A. instrumentum rectè collocetur & vsurpetur, priusquam id ad B. secundæ inspectionis punctum transferatur. Vt Basis videlicet dirigatur recta versus punctum B. et postea virga ope Retoris versus Turrim F. extendatur: eoq; facto obseruetur magnetini Indicis positus, vt translato Instrumento, eodem modo in secunde inspectionis signo collocari queat, sicuti in priori erat positus. Sed neque necessum omnino est, vt ad dimetiendum mille quingentorum passuum distantiam tanta sit intercapedo inter binarum inspectionum puncta, quanta superiori exemplo constituimus. Etenim distantia centum passuum inter geminarum inspectionum puncta, sufficiet ad dimetiendam longitudinem bis mille passus porrectam. Mille vero passus inter geminos inspectiones, sufficiunt vel ad quinquaginta millia dimetienda: cum liceat graduum significationem multis modis augere. Sed cum loca ipsa, geminarum inspectionum tamen, ad prospiciendam rem è longinquo positam, apta fuerint, commodiora erunt, si paulo magis à se inuicem absint.

## SI QUANDO PLVRIVM LOCO

*rum à nobis distantias inuestigamus : quomodo operari  
liceat, ne opus sit instrumentum plus  
quàm semel trans-  
ferre.*


### C A P V T V I

**S**I quando geometra in aliqua aperta planitie extens, plurium rerum, quæ in ambitu sunt, distantiam à sese emetiri volet promptè, ne opus sit Holometrum multoties transferre, sed vnica eius transpositio, omnibus distantijs metiendis inseruiat, licebit hoc modo operari: Tabulæ instrumenti insternatur papyrus, ita vt Virgæ supra papyrum liberè moueantur, papyrus vero subtus Virgis cæra agglutinetur tabulæ, vt firma maneat: medio tamen, vbi magnæcunus index est, excindere papyrū oportet, in ambitu, vt situs indicis appareat. Deinde, vbi cōstitueris aliquē locum pro secunda inspectione, ex quo res illę itidem omnes prospici queant, & basin, iuxta præcedentē doctrinam, versus illum direxeris: Virgam eam cuius ope direxisti basin, extendere oportet versus vnā aliquam earum rerum, quarum distātiā inuestigas, ita vt per Rectoris eius pinnulas prospici queat. Atq; hic Virgę situs iam in papyro notandus est, ducta nimirum linea recta, secundum eius longitudinem, quę sicuti Virga, tendat rectā versus rem, quā prospexisti per pinnulas Rectoris. Hoc factō dirige iam eandem Virgam versus aliam aliquam earum rerum, quarum distantias quæris, eaq; per pinnulas Rectoris cōspecta, iterum ducta linea recta secundum eius longitudinem, Virgę situm notabis in papyro: Atque ita deinceps moue Virgam ad tertiam quartamque rem, aut quotcunque tandem fuerint, & in singulis, ducta linea recta, Virgę situm notetur. Vbi omnes eas res, per vnus Virgę Rectoris conspexisti, & Virgę situm in singulis linea recta notaueris:



straueris : superest vt Holometrum in locum secundæ inspectionis transferatur , & magnetini Indicis opera collocetur sicuti prius erat: intercapedo item, inter geminarum inspectionum puncta comprehensa basis gradibus adæquetur. Quod vbi absolueris, alteram Virgam, quæ nondum vsurpata est, versus vnâ aliquam earundem rerum, de quarum distantia quæritur , ope sui Rectoris diriges : & priorem Virgam repones ad illam lineam , cui iuncta erat dum eadem hæc res ex prima inspectione per eius Rectorem spectabatur: obseruata enim Virgarum interfectione , cognosces secundum præcepta præcedentia quantum hæc res distet. Eodem modo reliquas res sigillatim per secundam hanc Virgam spectabis, & reposita Virga priori itidem singillatim super eas lineas, quibus iungebatur, dum in primæ inspectionis loco res eadem spectabantur, ex obseruatione interfectionis Virgarum, singularum rerum distantiam cognosces. Cuius rei exemplum sit in schemate sequenti, quo Geometra ipse statuatur esse in puncto A, & distantias inuestigare circumiacentium turrium, F. E. D. B. ita tamen, vt non nisi semel ei necessum sit Holometrum transferre in secundæ inspectionis punctum, hoc loco per C. denotatum. Hic ergo vbi Holometri tabulam charta strauerit, vti diximus, & Basin versus C. secundæ inspectionis punctum direxerit: sinistram Virgam, ope sui Rectoris versus Turrim F diriget , eaque prospecta per pinnulas Rectoris , signabit situm quem Virga iam obtinet, ducta secundum eius longitudinem lineola, quæ à puncto A, recta itidem versus F tendat. Deinde eandem hanc sinistram Virgam, versus turrim E Rectoris sui ope extendet , eiusque situm iterum ducta secundum longitudinem linea notet. Quo facto, etiam turres D. & B. per eandem hanc sinistram Virgam Rectoris opera prospiciet, & Virgæ situm dum illas prospicit, eadem ratione notabit. Iamque transferendum erit Holometrum in C. secundæ inspectionis locum, & illic indicis

20 DE HOLOMETRI FABRICA ET VSV  
 opé, collocandum eodem modo vt prius erat: spacium item





A C. inter geminas inspectiones comprehensum, basis gradibus adæquandum, secundum præcepta iam antè tradita. Denique sinistrum ope sui Rectoris extendere versus B. quæ turris vltimo conspiciebatur per Virgam dextram, ex puncto A. & proinde adhuc erit versus eam exporrecta, aut saltem linea notata, indicabit quomodo extenderetur. Obseruata igitur interfectione Virgarū, patebit distantia AB ex puncto dextræ, & intercapedo CB. ex puncto sinistra Virgam secante. Eodem modo operabitur cum reliquis turribus D E F. Nam in eodem loco cōsistens, dextram Virgam reponet, primum supra lineam, quam notauit dum per illam ex A suspectabat D. Et ad eandem hanc turrim D. Virgam sinistram ope sui Rectoris diriget, & interfectionis puncta obseruabit: quoniā sinistra Virgæ sectio monstrat distantiam C D. & interfectionis punctum in dextra exprimit intercapedinem A D. Nec alia ratio est cum cæteris operandi: nam in ijs quoque reponēda est singillatim dextra Virga supra lineas, quib. prius eius situs notabatur, dum ad singulas turres exporrigebatur: deinde per sinistram Virgam eadem turres spectandæ, & interfectionis puncta obseruanda. Figura autem huius Theoria hæc proximè superior sit.

**E**T ne quid omisisse videamur eorum, quæ hanc rem manifestam reddere possint: quantum vna quæque turris à binarum inspectionū punctis absit, etiam explicabimus, si modo in campo ita sitæ sint, vt in nostro diagramate illas effinximus, binarum videlicet inspectionum puncta, centum passibus abesse à se mutuo constituentes. Dicimus igitur constituta eadem proportione spacij, in conspicienda turri B. dextræ Virgæ sectionem in ceterimum & vicesimum quintum illius gradum: sinistra vero sectionem, in nonagesimum secundum cadere: & proinde distantiam AB. centum viginti quinque: distantiam vero C B. nonaginta & duos passus continere. In conspicienda autem Turri D. intersecabitur dextra Virga centesimo nonagesimo quinto, sinistra vero centesimo sexa-

gesimo sexto: quamobrem erit distantia A. D. centum nonaginta quinque passuum, & distantia C. D. centum sexaginta sex continebit. Ob easdemque causas Virgarumque intersectiones, constat distantiam A. F. cētum quadraginta quatuor C. E. verò centum quadraginta octo passus æquari Turrim deniq; F. ab A. centum quadraginta sex: ab C. verò sexaginta octo passibus abesse.

## DEMONSTRATIO TOTIVS

*doctrinæ iam explicatæ.*


### CAPVT VII.

**S**ED iam, ne quid neglexisse videamur, tempus erit demonstrationem adijcere eorum, quæ huc vsque docuimus de rerum distantia secundum longitudinem metienda. Sit igitur in subiecto triangulo A. ea res cuius distantiam querimus. B. locus primæ inspectionis. C. verò locus secundæ inspectionis. B. C. spacium inter geminarum inspectionum puncta comprehensum, centum passus exequas. E. C. autem basis Holometri: quæ suis gradibus singulis passibus respondet eius spacij, quod inter geminas inspectiones est comprehensum. Quandoquidem igitur de quantitate lineæ A. B. agitur, obseruandum est, in prima inspectione nos cernere A. ex B. per Virgam sinistram quæ hinc nobis per E. D. exprimitur: & tunc E. D. cum linea B. A. coincidere, dum Holometrum est in primæ inspectionis puncto. Dum autem transfertur Holometrum in secundæ inspectionis punctum C. manet tamen basis E. C. in eadem recta linea, quæ à primæ inspectionis puncto, tendit ad punctum inspectionis secundæ: mirum B. C. Nam vt in eadem linea maneat, efficitur opera Iudicis magnetini, quo instrumentum collocatur eodem modo vt prius collocatum erat, et proinde ita vt Basis secundum eandem lineam extendatur, secundum quam prius extendebatur. Et quoniam dum Holometrum transfertur, et cum sua

basi,



supereādem lineam rectam collocatur, cui prius incumbebat:  
Virga sinistra manet in suo situ, quem habebat, dum per



eam ex B conspiciebatur A, sequitur angulum DEC. nullo modo immutari, sed manere planè talem, qualis erat

prius, dum in prima inspectione cum angulo  $ABC$ . coincidebat. Manet ergo angulus  $DEC$ . post Holometri translationem etiamnum idem cum angulo  $ABC$ . Ex quibus sequitur rursus, per vicesimam octauam, ad vicesimam nonam primi Elementorum Euclidis, lineas  $AB$ . &  $DE$ . parallelas esse, & triangulos  $ABC$  &  $DEC$ . æquiangulos esse. Iam per quartam sexti, quia trianguli isti sunt æquianguli, concludimus illos esse proportionales, & earum latera angulos æquales subtendentia, similis esse rationis. Itaque secundum illius propositionis vim, quæ proportio erit  $CE$ . ad  $CB$ . basis Holometri ad spacium inter binarum inspectionum puncta comprehensum: eandem proportionem necessum est etiam habere lineam  $ED$ . ad  $AB$ . &  $DC$ . ad  $AC$ . quæ sunt binæ Virgæ, cum distantijs rei à binis inspectionum punctis collatæ. Ergo quia hæc est proportio Basis, cum spacio inter geminas inspectiones comprehenso, ut denis gradibus basis, deni passus de intercapedine illa respondeant: eadem erit etiam proportio lineæ  $ED$ . quæ sinistram Virgam repræsentat, ad lineam  $BA$ . ut etiam huius denis gradibus deni passus de illa respondeant. Nec secus se habet linea  $DC$ . quæ dextram Virgam repræsentat, ad lineam  $AC$ . nam huius quoque denis gradibus, deni passus de linea  $AC$ . respondent. Aut si malueris adhuc breuius: secundum schematis nostri rationem. Quæ ratio est Basis  $EC$ . ad spacium  $BC$ . comprehensum inter geminarum inspectionum puncta: eadem quoque proportio est Virgæ sinistræ  $ED$ . ad lineam  $BA$ . & Virgæ dextræ  $CD$ . ad lineam  $CA$ . Cæterum Basis ad intercapedinem duarum inspectionum proportio est quintupla. ergo in alijs quoque quintupla erit proportio.

DE



# DE MODO METIENDÆ DI-

*stantiæ rerum, quam inter sese habent, ambæ ab  
artifice procul distantes.*


## CAPVT VIII.

**S**I Instrumenti nostri ope cognoscere velis, quantum duæ res, ambæ procul à te distantes, à se inuicem etiam absint: necessum erit prius inuestigare, quantum egedem à te ipso absint, secundum præcepta præcedentis doctrinæ. Ac priorem quidem dimensionem, longitudinem vocamus, quod eo solo modo longitudo quædam spacij quæratum inter Artificem & rem, de cuius distantiâ agitur, intercepta. posteriorem hanc latitudinem nuncupamus. nam etsi ipsa quoque longitudo quædam sit inter duas res à se distantes, tamen quia per transuersum desumitur, in comparatione trium dimensionum latitudinis rationem habet: sicuti tertia quoq;, de qua postea agemus, profunditatis ipsius vicem gerit. Itaque in inuestiganda duarum rerum distantia à se inuicem, quæ ambæ procul à te absint, primum quidem inuestigandum est, quantum vtraque distet ab eo loco, vbi instrumentum collocare volueris, & huic Theoriæ operam dare: deinde ita collocato instrumento, vt horizonti sit paralellum, & dextræ Virgæ Rectore ablato (quod eo hic non opus sit, sed sinister sufficiat ad Basin & Virgam dirigendam) Basin dextra parte, versus dextram rem dimetiendam diriges, ope videlicet sinistri Rectoris: spaciumque iam ante à te inuestigatum, inter te & eandem hanc dextram rem, basis gradibus adæquabis. Quod proinde ita faciendum est, vt singuli gradus inter nodos basis comprehensi, singulis passibus, perticis, cubitis aut alijs mensuris eius spacij respondeant, quod inter te et hanc dextram rem iam ante deprehendisti: & in hunc usum ita cõiuncta est sinistra Virga basis, vt ad dextram propius retrahi, & ab eadem etiam magis remoueri ope insertionis queat. Quare ita confecta, sinistram Virgam ope sui Rectoris, versus sinistram rem dimetiendam recta extends & diriges: in qua extensione angulus consti-

tuitur à Basi & sinistra Virga, iuxta te, qui vtrique rei dime-  
 tiendę aduersò opponitur. Iam quia antea quoque notam es-  
 se oportet distantiam inter te & sinistram hanc rem, siue  
 punctum in sinistra Virga tot gradibus à nodo basis distans,  
 quanta est distantia nota inter te & eandem rem sinistram: &  
 manente sic immota Virga sinistra, dextramei admoue, vt in  
 puncto iam sumpto se mutuo interfecent. Numerus enim gra-  
 duum dextrę Virgę, inter punctum intersectionis & nodũ,  
 quo basi committitur, comprehensus, indicant distantiam  
 quęsitam rei dextrę à sinistra: eandem videlicet spacij men-  
 suram significante vno quoque gradu huius dextrę Virgę,  
 quales ex erant, quibus Basis gradus adæquati fuerunt, qui-  
 bus sinistrae etiam Virgę gradus respondebat. Cæterum  
 cum plures res sunt circa te, quarum distantiam per transuer-  
 sum hoc modo libet inuestigare: necessum erit, non nisi binarũ  
 intercapidinum primum dímetiri: deinde rursus aliarũ  
 binarum, donec omnes habueris. Et in agēdo Basin dirigere  
 oportebit semper versus eam rem, quę tibi est à dextris: atque  
 hoc modo progrediens, poteris ex vno eodemque loco mul-  
 tarum rerum intercapidinem inuestigare, si modo quãtum,  
 à te absint prius deprehenderis. Sit igitur nobis exempli gra-  
 tia, ex loco A. dimetiendum spacium, quod inter loca in eo tra-  
 ctu sita interiacet, veluti in proximo schemate exprimuntur  
 BE nimirum & EF. itemque FD. & DB. Initio igitur sum-  
 pto ab BE. collocatur instrumētum in puncto A vt horizon-  
 ti sit paralellum: ablatoque dextro Reçtori, extendatur Basis  
 dextra sui parte versus B quod à dextris est, & eò recta diriga-  
 tur. Deinde quia paulo ante docuimus, distantiam AB. cen-  
 tum & viginti quoque passus æquare: ita sinistrae Virgę no-  
 dum remouebis à dextro, & ope insertionis eãdem Basin lon-  
 giorẽ facies, vt inter binos nodos itidem cētum viginti quin-  
 que gradus comprehendantur. Iamque instrumento immo-  
 to sic permanente: sinistram Virgam sui Reçtoris ope, versus  
 E diriges: atque ita constituetur angulus iuxta te, à Basi expor-  
 recta versus B. & sinistra Virga versus E extensa. Itaq; quan-  
 doqui-



doquidem distātia AE, secundum præcedentem doctrinam,



deprehensa est centum quadraginta quatuor passus continere: ad centesimum quadagesimū quartum sinistrae huius Virgæ gradum, dextram Virgam admoue, vt se illic intersecent. Nam graduum numerus in dextra Virga, comprehensus inter hanc intersectionem & nodum iuxta basin, monstrabis distantiam B E. inuenies autem iuxta schematis nostri proportionem, dextrā Virgā quinquagesimo octauo gradu secari, quamobrem sequitur spacium B E. totidem passus contineri. Eadem ratio erit dimetiendæ intercapedinis E F. Nam hic quoque basin versus E. dirigere oportet, quod à sinistris est: et quia distantia A E antea nobis deprehensa est, centū quadraginta quatuor passus continere, Basis gradus illis adæquare oportet, binos Virgarum nodos nimirum à seinuicem eō vsque remouendo, donec totidem gradus inter eos contineantur, quot passus distantia A E continet. Et tunc immota manente basi, sinistram Virgam versus F ope sui Reſtoris extendere: & quia distantia A F secundum præcedentis doctrinæ præcepta, centum quadraginta sex gradus æquare deprehensa est: oportet quadagesimo sexto huius Virgæ gradu dextrā illi applicare, quæ, quoniam quadagesimo octauo gradu à sinistra intersecatur, ostendit intercapedinem E F. quadraginta octo passus æquare. Nec diuersus modus est reliquorum locorum distantias dimentiendi: quemadmodum in F. D. basi versus D. dirigenda, & ius gradus centum nonaginta quinque passibus adæquandi, prospectoque F per sinistram Virgam, sequatur obseruatis præceptis quæ explicuimus, dextram Virgam sectam iri à sinistra centesimo quinto gradu: & proinde tot passus contineri à distantia F D. Nullaque est alia operandi diuersitas, quotquot tandem loca proponantur.

Q V A





29

QVA RATIONE LOCORVM DI-


*stantia & situs, quem à natura habent, in tabulam geo-  
graphicam transferantur, ope eiusdem instrumen-  
ti quo fuerunt inuestigatæ.*

CAPVT IX.



Vòd si lubeat rerum distantias instrumenti ope inuestigatas, in tabulam Chorographicam transferre, vt eadem intercapedinis proportionē in ea obtineant, quā re ipsa sortitę sunt in superficie terre: licebit hoc modo progredi. Sint exempli gratia nobis in puncto A existentibus, describenda loca vicina, quę in eo tractu sunt, veluti proximo schemati exprimuntur B. E. F. D. aut etiam alia plura, & in tabulam reducenda. Itaque cum distantiam B E. per transversum inuestigas, secundum præcedentis doctrinæ præcepta, observa angulum quem dextra Virga cum Basi efficit, eumque seorsum in charta notatum accurate conserua: eadem nimirum magnitudine, quam habet dum in instrumento dextra Virga sinistra admouetur: atque hic eris angulus A B E. Eadem ratione cum dimetiris distātiā E F. nota eundem angulum quem Virga dextra cum Basi efficit, seorsumque conserua, quia hic est angulus A E F. Et si plures loci sint, à dextris versus sinistram partem progrediendo, omniū angulos singillatim annota, eodē modo vt iam diximus. Huiusmodi angulorum opera, iam loca in tabulam, iusta proportionē distantię transferentur. Cuius rei exordium à scala miliarium, quā vocant, desumetur: nā necessum est, priusquam locum aliquē in tuam tabulam transferas, gradus quosdam distinctos habere, de denis in denos, aut quinis in quinos, prout etiā vides in proximo schemate A C. esse diuisam: vt videlicet his gradibus milliaria, stadia, passus aut alie mensurę adęquentur in tua tabula, eosque gradus maiores minorē efficies, prout videlicet tabulam maiorem aut minorem efficere volueris. Quare ita constituta, punctum quoddam

30 DE HOLOMETRI FABRICA ET VSV  
 sumendum est in noua tabula iam describenda, quo d reserat





locum, in quo tu cum tuo instrumento ad distantias has inuestigandas confedisti: veluti id punctum est, in proximo schemate, quod per A exprimitur: & deinceps à nobis inijt punctum appellabitur. Hoc fundamēto posito, ad inscribenda tabule tue loca B. E. F. D. sic accedes, vt à B ipso ceu à dextro incipias: deinde successiue etiā reliqua versus dextrā progrediēdo pergas. Ac primum quidem, ex puncto inijt iam sumpto rectam lineam ducas in quamcumque partē voles, satis longam. Deinde accipe ex tua scala miliarium iam parata tot gradus ope circini, quot miliaria, stadia, passus, aut alias intercapedinis mensuras deprehendisti, inter locum quo confedisti, A in nostro schemate vocatum, & locum, quem vis iam in tabulam transferre, per B scilicet expressum: positoque vno circini pede immobili in puncto inijt, alterum extende secundum lineam rectam, ex eodem puncto exeuntem: & vbi lineam contingit, ibi erit notandus locus B. Et vt præcedentis schematis exemplo insistamus, quia deprehendimus iam antequam B ab A distare centum viginti quinque passibus: totidem gradus de tua miliarium scala circino excipies, et à puncto inijt eos emetieris secundum lineam rectam, vt sub illorum finem B locus notetur. Quod si tua scala miliarium, fortè non tot habuerit gradus, quot passus aut miliaria inter te et locum inscribendum deprehendisti, non difficile erit, eos cum circino bis, ter, aut quater reiterato reditu accipere. Veluti in nostro exemplo, quia scala miliarium A. C. tantum habet centum gradus: non possum centum viginti quinque vna vice accipere: sed prius accipio centum, hincque puncto in lineam rectam signatis: rursus accipio viginti quinque posito altero pede circini, vbi priores centum desinebant, alterum extendo vsque ad locum vbi B. signandum fuerit. Iam vbi primum locum, centum viginti quinque passibus, ab inijt puncto notasti, in linea quæ ab eodem inijt punctoeducta est, ad locum alterum E. videlicet inscribendum accedes. Itaque angulum A B E. quem prius

notasti & seorsum conseruasti: nunc puncto B tabulæ tuæ iamiam inscripto applicare oportet: ita quidē, vt latus quod à basi constituebatur, cum linea recta ex puncto initiij ducta coincidat, alterum vero latus quod à dextra Virga constituebatur, in sinistram partem, versus cetera loca adhuc signanda explicetur: angulus ipse punctum B præcisi contingat. Ex hoc puncto B igitur iam, secundum latus quod Virga dextra constituebatur, linea recta educenda est, quousque suffecerit.

Deinde circino accipere in scala milliarium, tot gradus, quanta est deprehensa distantia inter loca B E. videlicet quinquaginta octo, quia in proposito schemate per nostrum Holometrum totidem deprehendimus passus inter hæc loca contineri: positoque vno circini pede in puncto B & alio explicato secundum lineam ex eo recenter educam, punctum signetur pro inscribendo loco E. Atque ita nunc gemina loca tuæ tabulæ inscripsisti B atque E. eadem proportione spacij inter sese ab initiij puncto distantia, quam re ipsa in superficie terræ obtinent. Ad tertium locum ergo F. inscribendum iam progredieris. Quamobrem primum ex puncto initiij, rursus rectam lineam duces, quæ per E. locum iamiam signatum transeat.

Deinde angulum A E F. quem Virga dextra cum Basi faciebat, dum distantiam E F. metiebaris, & quem seorsim notatum conseruasti: eodem modo applica puncto E. sicuti paulo ante angulum A B E. puncto B. applicabas, vt latus scilicet, quod à basi constituebatur coincidat cum linea ex puncto initiij ducta: alterum autem latus quod Virga dextra faciebat in sinistram partem vergat: atque secundum huius lateris longitudinem linea recta producat in continuum, quousque libuerit. Denique cum circino accipe rursus tot gradus in scala milliarium, quantam distantiam esse comperisti inter gemina loca E F. quadraginta octo nimirum, vt proximo schemate deprehendimus: positoq; altero pede circini in puncto E. alter secundum lineam rectam extendatur, & vbi eam contingit, ibi notandus est locus F. Atque hoc modo, omnia loca quæ in circuitu sunt, licebit in tabulam chorographicam legitime transferre,



ferre, à dextris versus sinistram procedendo, obseruabis prius cum distantijs singulorum tum angulis, qui a basi & dextra Virga constituuntur, in ipsarum distantiarum per transfuersum inuestigatione.

## IDEM POSSE ETIAM PRÆSTARI

*per solas lineas longitudinis, quæ distantiam rerum à loco  
vbi metimur indicant.*

### CAPVT X

**N**ice etiam describere regionem, & quidem promptè ac facile, ex solis lineis distantiam singulorum locorum monstrantibus. Cuius rei ratio hæc erit, vt primum secundum præcepta iam antè explicata inquiras distantiam singulorum locorum, quæ in tabulam reducere voles: quantum videlicet singula ab eo loco distent, in quo tu eorum descriptionem adorieris. Quod vbi absoluissti, Holometrũ rectè collocato, & eius tabulam charta inserto quidem vt Virgæ liberè super eam moueri queant: veluti etiam antea faciendum esse docuimus, cap. VI. Hic igitur, quo loco Virga cum basi coniungitur, in ipso nodo, exprimitur locus in quo tu iam eris, & huic rei operam dabis: quamobrem in charta quæ Holometro instrata est, & cui cætera quoque loca sunt inscribenda, primum notabitur locus tuus in ipsius nodi centro. Nec interest vtrum in dextræ aut sinistræ Virgæ nodo, tuæ habitationis locum notaueris: quia vtraque poteris vti: commodius tamen erit, si locum tuum in eius Virgæ nodo annotaris, quæ contrahi atque separari ab altero potest. Iam vero, quia singulorum locorum quæ tibi describenda sunt, à tuo loco distantias iam antè inquisiuissti: hoc superest, vt ea rursus, per Rectorem eius Virgæ, cuius nodus tuum locum refert, singillatim prospicias: & dum singula prospicis, singillatim etiam lineas rectas ducas ex nodo locum tuum referente, secundum Virgæ longitudinem, vt tendant rectà ad singula loca, quæ per Rectorem

prospiciuntur. Tandem singillatim circino excipies tantum spacij ex scala milliarium, huiusrei causa (vt superiori capite ostensum est) præparata, quantam singillatim etiam cognouisti esse distantiam à te, cuiusque loci in tabulam tuam transferendi: & posito altero circini pede, in centro nodi locum tuum referentis, altero verò extenso, secundum lineas ex eodē versus singula locaeductas, puncta per singulorum locorum inscriptione singentur, tantum à nodo distantia, super suas quæq; lineas, quāta est cuiusque loci inscribendi, iam ante cognita intercapedo, & distantia à loco tuo. Qua ratione profectò licebit omnia loca, quæ in ambitu sunt, non minus certò in chorographicam tabulam transferre, quam superiori capite id ipsum angulorum auxilio fieri posse mōstrauimus. Et quia Holometri tabula tantum versus vnam horizontis partē porrigitur: licebit manēte immota eadem tabula, versus alteram horizontis partē, chartā alia aliqua plana tabula fulcire, vt Virga quæ hæctenus seruiuit, etiam in illam partem supra chartā moueri: & per eius Rectorem ea loca conspici signarique possint, veluti alia: donec scilicet Virga orbem compleueris, eius nodo immoto permanente, omniaque loca, quæ in toto circuitu sunt, describeris. Quod si deinde vltius etiam progredi lubeat, & non tantum loca, quæ ex prima hac collocatio-  
ne instrumenti in ambitū cōspexisti, describere, sed integram aliquam regionem geographica tabula exprimere volueris: transferendum erit postea instrumentum, in vnum aliquem alium locum iam tabulæ tuæ inscriptum, ex quo rursus vicinorum locorum distantia instrumenti opera inuestigandæ sunt: deinde charta eadem quæ prius, tabulæ insternenda: ita tamen, vt in centro nodi iam punctum statuatur, non illud quod prius erat, sed id quod hunc notum locum referat: alterum vero quod prius in centro nodi erat, versus priorem locum rectā extendatur: cætera vero deinde admissentur, vt prius faciendum esse docuimus.




## DOCTRINÆ HVIVS DEMON-

*stratio, qua distantia rerum procul à nobis absentium inuestigantur.*

## CAPVT XL

**N**unc ad demonstrationem eorum quæ docuimus veniendum est, ne quid à nobis omissum esse videatur. Itaque in proposito hoc schemati, inuestiganda est distantia binorum locorum  $A C$ . nobis scilicet in puncto  $B$ . existentibus. Ex quo puncto utrumque locum cernimus,  $G$  quidem per lineam  $B E$  Hæliometri nostri basin:  $A$  verò per  $B D$  Virgam sinistram. Iam verò quia ante nobis cognita erat longitudo cum ipsius  $B A$ , tum  $B C$ . atque hæc quidem basis, illa vero sinistræ Virgæ gradib. adæquata fuit, ita quidem ut tot gradus habeat basis  $B E$ , quot passus habet



linea  $B C$ . Et Virga sinistra  $B D$ . itidem tot, quot habet linea  $B A$ . Itaque sequitur eandem planè proportionem esse lineæ  $B E$  ad  $B C$ . quæ est lineæ  $B D$ . ad  $B A$ . Quamobrem sequitur per secundam sexti Elementorum, lineam quoque  $E D$ . quæ dextram Virgam refert, esse paralellam lineæ  $A C$ . & proinde binos triangulos  $B E D$ . &  $B C A$ . secundum

doctrinam superiori demonstratione explicatam, æquiangulos simul proportionales esse: vt necessum sit, eādem proportionem habere dextram Virgam  $ED$  ad distantiam  $CA$ , quam habet Basis ad  $BE$  & sinistra Virga ad  $BB$ , vt singulis scilicet Virgæ gradibus, singuli passus aut aliæ aliquæ æquales mensuræ, vtrinq; respondeant. Neque opus est in hoc nostro schemate, numeris rursus etiam proportionē demonstrare, quod id simul à nobis præstitum, possit huc etiam referri. Etenim typus quo doctrinam de inuestiganda longitudine expressimus, per omnia huc quadrat, si modo quod illic dextrum est, hic sinistrum fiat.

## DE RATIONE INVESTIGANDÆ

*rerum altitudinis, aut etiam profunditatis, quàm habent respectu nostri, dum metimur ea in horizontis plano existentes.*

### CAPVT XII.




**V**M altitudinem rerum inuestigas, aut profunditatem, præscire oportet, quanta earū distantia ab eo ipso loco, in qua altitudinem earum inquiris. Atque id quidem qua ratione fiat, in principio iam docuimus. Cognita verò distantia rerum, ad illarum altitudinem inquirendam sic accedes, vt Holometro in plano horizontis rectè collocato, veluti prius monstratum est, egedem distantia rerum, basis gradibus adæquentur: vt tot gradus nimirum inter vtrunque nodum contineantur, quot passus, pedes, aut aliæ mensuræ aliquæ fuerint deprehensæ, inter locum tuum & rem propositam, de cuius altitudine quæritur. Hoc vbi probe obseruaris, alterum erit obeundem munus, vt dextræ Virgæ Rectore hîc quoque omisso, per sinistrum sinistra incumbentem rem prospicias de qua agitur: eaque per pinnulas conspecta, obserues, cui gradus eius ambitus linea fiducia incumbat. Nam in altitudine rerum inuestiganda, quia per pinnulas rerum verticem prospicimus: obseruandum



dum erit quantum linea fiducia, supra Rectoris diametrum horizonti paralellum attollatur. Sed in profunditate quærenda, fundamenta rerum intuemur: itaq; notandum erit, quantum eadem infra diametrum inclinēt. Hoc gradus iam, quos inter lineam fiducia & transuersam Rectoris diametrum deprehendis, transferes in quadrantē sinistra Virgæ nodo coniunctum. Quoniam enim is æqualis est circulo Rectoris, & in easdem partes diuisus, eundem planè angulum constitues, à basi & sinistra Virga comprehensum, qui in orbe Rectoris, à linea fiducia & transuersa diametro constituebatur. Jam ergo immota permanente sinistra Virga, super gradum sui quadrantis eundem, quē linea fiducia in Rectore obtinebat, dextra Virga supra basin ad angulos rectos erigatur: siue, ita ad sinistram admoueat, ut cum sua basi rectum angulum constituat. Nam gradus in dextra Virga inter nodum & punctum intersectionis cum sinistra Virga cōprehensi monstrant quanta sit altitudo, aut profunditas rei de qua agitur: quæ proinde altitudo aut profunditas limitatur, & initium sumit à linea exeunte ex oculo dimetientis, horizonti paralella. Quo loco non erit prætereundum, quod sicuti dextra Virga rei de qua agitur, altitudinem atque profunditatem monstrat, ita sinistra Virga indicat quantitatem lineæ exeuntis ex oculo Geometræ, ad verticem aut fundamentum rei, de cuius altitudine quæritur: ut hinc etiam cognoscere queas, quāto hoc longior sit quæ ex oculo Geometræ horizonti paralella, ad rem eādem ducitur, & cuius respectu eius distantiam prius inquisiisti. Quod certè operæ precium est obseruare, etiam in ea doctrina qua discimus solam rerum distantiam à nobis per geminam inspectionem inuestigare: nā si primæ inspectionis locus longè altior sit aut humilior priori, non oportebit inter geminos basis nodos tot gradus exactè comprehendere, quot passus inter geminarum inspectionum puncta comperisti. Qua de re postea etiam aliquid præcipiemus. Sed iam exemplum subiecto schemate subñciamus, propositumque sit nobis ex puncto A prospicientibus inuestigare: primum quantum eodē puncto altior sit vicina turris vertex C, aut quantum dein-

de etiam, eius  
de turris basis  
D. eodem hoc  
puncto, vnde  
prospicimus,  
sit inferior.

Huius rei ex-  
ordiū sume-  
mus à colloca-  
tione instru-  
menti, quod  
horizonti pa-  
rallellum es-  
se debet, & in  
eodem pun-  
cto, ex quo di-  
stantiā turris  
a te deprehen-  
disti. Ac im-  
mota sic per-  
manente in-  
strumenti ta-  
bula, primū  
basis gradib.  
adæquabis,  
inuētam iam  
distāciam in-  
ter turrim &  
locum tuum:  
quæ cum exē-  
pli causa, sit  
cētū quinquā-  
ginta quin-  
que pedum,  
totidem gra-



adus inter binos Virgarum nodos comprehendere oportet.

Deinde



Deinde per Rectoris pinnulas turris verticem *C* prospicies, eoque conspecto, notabis quot gradibus linea fiducia attollatur super transuersam Rectoris diametrum, quæ horizonti parallella est. Sintque, exempli gratia, tres: quamobrem eandem hanc Virgam super suum quadrantem tribus gradibus à basi remouebis, quod ita necessario eundem cum illo angulum faciet: atque hic est, qui à linea fiducia & Rectoris diametro constituitur. Denique Virgam dextram ita basi complicabis, vt cum ea rectum angulum contineat: & tunc considerabis, quo puncto à sinistra interfecetur, dum ita angulum rectum constituit. Nam graduum numerus, inter nodum & punctum, quo à sinistra interfecatur, comprehensus: monstrat quatum vertex turris sit altior oculo Geometræ ex puncto *A* prospicientis: quod punctum intelligitur esse ex aduerso puncti *B*. Itaque quia deprehendet in proposito exemplo dextram Virgam super basin ad angulos rectos erectam, quadragesimo secundo gradu secari à sinistra, pronuntiabit verticem turris suo oculo totidem pedibus esse altiozem, aut totidem alijs quibusdam mensuris, qualescunque illæ fuerint, quibus gradus basis adæquati fuerunt. Sinistra autem virga, quia à dextra sexagesimo gradu interfecatur, sequitur lineam *AC*, (quæ ex oculo Geometræ ad turris verticem ducitur, & proinde diuersa est ab *AB*, quæ ex eodem oculo ad turrim ducitur horizonti parallella) totidem pedes æquare: & proinde quinque pedibus longiorem esse, quàm *AB*. Eadem ratio etiam est inuestigandi, quantum turris fundamentum *D*, inferius sit oculo Geometræ, id ex puncto *A* prospiciente. Nam adæquata iam ante Holometri basis gradibus distantia, inter turrim & Geometram, comprehensa, prospiciendum erit fundamentum turris per Rectoris pinnulas. Deinde quot gradibus linea fiducia inferior deprehendetur esse transuersa Rectoris diametro: tot etiam gradibus remouenda erit à basi Virga sinistra super quadrantem suum. Denique vt antè quoque fecimus, erigenda ad angulos rectos dextra Virga supra basi, obseruandaque intersectio cū sinistra. Et quoniam hîc quoque dextrâ

Virgam quadragesimo secundo & sinistram sexagesimo gradu interfecare comperies, pronuntiabis turre fundamentum tanto esse inferius oculo Geometræ, quanto vertex superior erat, quadraginta duob. nimirum pedibus. Ex quo sequitur, totius turris altitudinem octuaginta quatuor pedes continere: siquidem eius vertex Geometræ oculum quadraginta duobus pedibus superior est, & fundamentum totidem pedibus inferius esse comperitur: quæ simul iuncta octuaginta & quatuor constituunt totius turris altitudinem. Linea quoque A D. quæ ex oculo Geometræ ducitur ad turris fundamentum, eam quæ horizonti parallela ex eodem oculo ad turrim ducitur, itidem quinque passibus superabit. Neque diuersa ratio erit operandi, si montis altitudinem, aut vallis profunditatem metiri volueris.

## DEMONSTRATIO HV.

*ius doctrinae.*


### CAPVT XIII



T autem cognoscamus rem planè ita habere, quem admodum docuimus, age proposito schemate negotiū demonstremus. Sitq; altitudo turris, quæ inuestiganda proponitur A E. linea fiduciæ vero, per quã vertex turris conspicitur B D. supra transuersam Reçtoris diametrum B C ascendente, vt hic cernis. Sed in harum locum, quia basis Holometri & sinistra Virga substituuntur, maioris facilitatis causa, sequitur B C. Basin referre, ad æquatam distantiam turris B E. & B D. Virgam sinistram exprimere, quæ eundem angulum cum basi continet, atque linea fiduciæ prius faciebat cum transuersa Reçtoris diametro. Itaque C D. Virga dextra, quia ad angulos rectos erecta est supra basin B C. necessario erit parallela altitudini turris E A. quæ itidem ad angulos rectos erigitur super lineam B E,  
qua



qua exprimitur distantia turris ab oculo Geometræ: & proinde rursus habes binos triangulos equiangulos & proportionales. Quamobrem necellum erit hic quoque, secundum præcedentium demonstrationum doctrinam, eandem proportionem habere turris altitudinem  $AE$  ad dextram basin



$CD$ , quam habet  $BE$ , turris distantia ab oculo Geometræ, ad  $BC$  Holometri basin: cuius gradibus adæquata est. Eandemque itidem habebit  $BD$ . Virga sinistra, à dextra intersecta in puncto  $D$ , ad lineam  $BA$ , qua exprimitur illa quæ ex oculo Geometræ ad turris verticem protracta est.

QVA RATIONE AGENDVM SIT,

*vt rei alicuius altitudinem aut profunditatem vnica operatione comprehendas & inquiras.*

CAPVT XIII

**D**Ocuimus antea altitudinem rerum gemina operatione inuestigare, considerando singillatim, et inuestigando, tum quatum vertex rei quæ sita superior esset oculo Geometræ: tum etiam quatum eodem oculo inferius esset eiusdem fundamentum: ex quorum con-

iunctione, deinde totius rei altitudo & profunditas cognoscatur. Licebit autem vnica operatione etiam totam alicuius rei altitudinem inuestigare. Sed vt id legitime fieri queat, obseruabis, Geometram triplicem situm habere posse, dum huic contemplationi operam dat. Nam aut erit in loco eiusdem altitudinis cum fundamento rei dimetiendæ: veluti si in planicie existens, turrim metiri velit super eandem planitiem erectam. Aut erit in loco eiusdem altitudinis cum rei dimentiente summo vertice: veluti si ex vna turri aliam vicinam turrim metiaris. Aut erit denique in loco, vertice rei dimetiendæ inferiori, & fundamento superiori: qualis erat locus superioris exempli A. ex aduerso puncti B positus: is enim vertice inferior & fundamento superior est. At prioribus binis loci differentijs, facile est vniuersam rei altitudinē vnica operatione inuestigare. Nam transuersa Rectoris diameter horizontis rationem habet: itaque sublatis pinnulis, vt per eas vertex rei conspici possit, tantum eleuabitur linea fiduciæ supra diametrum, vt ei angulo respondeat, & subtendatur vniuersa rei altitudo. Et si de loco superiori, per Rectoris pinulas fundamentum rei conspicias: tantum rursus inferior erit diametro ipsa linea fiduciæ, vt ei angulo vniuersa profunditas subtendatur. Itaque si in huiusmodi situ, basis gradibus distantia rei, de qua agitur adæquetur secundum præcedentem doctrinam: & sinistra Virga super eundem sui quadrantis gradum, quem linea fiduciæ in Rectore tenet, statuatur, ac dextra denique Virga, cum basi angulum rectū constituens, sinistra secuerit: vniuersa rei cum altitudo tum profunditas per dextrā hanc Virgā simul exprimetur. At si mediū situ obtineat Geometræ, inter verticem et fundamentū rei dimetiendæ, tū paulò aliter agendū est, vt vniuersam rei altitudinē simul comprehendas. Nam adæquata primum basis gradib. distantiam, quam habet res dimetienda ab loco Geometræ prospiciendum est fundamentum rei per Rectoris pinnulas, obseruādūque interim, quot gradibus linea fiduciæ sit infra transuersam diametrum: atq; ij annotādi. Tunc per easdē pinnulas etiā summus vertex prospiciendus est,



est, & viden-  
dū quot gra-  
dibus linea fi-  
ducia supra  
diametrū Re-  
ctoris attolla-  
tur. Iamq; hi  
gradus supra  
diametrū in-  
uenti, coniun-  
gendi cum ijs  
qui infra dia-  
metrū inuen-  
ti fuerūt, dum  
fundamētum  
rei conspice-  
retur: & om-  
nes simul iun-  
cti, in basis &  
sinistræ Vir-  
gæ angulum  
transferendi,  
vt nimirum  
sinistram Vir-  
gā super suū  
quadrāntem,  
tot gradibus  
a basi remo-  
ueas, quot su-  
pra & infra  
Rectoris dia-  
metrū simul  
inueneras, ve-  
luti in eodem  
diagramate iā



ante proposito: quandoquidem in prospiciendo turris verti-

ce C. deprehendis lineam fiducia tribus gradibus attolli supra diametrum Rectoris: & totidem etiam infra diametrum, dum eius fundamentum D. spectatur inclinari: idcirco Virgam sinistram sex gradibus remoues à basi super suum quadrantem, atq; ita angulum afficies, cui vniuersa turris altitudo subtendatur. Nam peractis deinde reliquis sicuti antea, dextraq; Virga supra basi ad angulos rectos erecta, vt à sinistra sic intersectetur: tota altitudo DC. huius dextræ Virgæ gradibus, inter nodum & punctum intersectionis comprehensis exprimitur. Etenim transversa Rectoris diameter, instrumento rectè collocato, rationem habet lineæ, quæ ex oculo Geometræ ad rem dimetiendam ducitur, horizonti parallela. Et quia trium graduum angulo supra diametrum prius quadraginta duo pedes subtendebatur, dum gemina operatione hanc altitudinem inuestigabamus: et angulo totidem graduum infra hanc diametrum, totidem pedes etiam respondebant: sequitur coniunctis omnibus, angulo sex graduum octuaginta quatuor pedes, totam scilicet altitudinem turris subtendi. Neque inuenies aliquam diuersitatem in agendo, siue coniunctis angulis vnica vice: siue seorsim inquiras quantum singulis angulis de altitudine rei dimetiendæ respondeat. Sed operæ precium erit hoc loco obseruare, quod si hoc modo progrediamur & vnica operatione rerum altitudines dimetiatur, non licebit nobis, sicuti prius, per Virgam sinistram cognoscere, quanta sit linea ex oculo Geometræ vsque ad summum rei verticem, aut imum fundamentum protracta: aut etiam quantum hę lineæ maiores sint illa, quæ ex eodem oculo horizonti parallela ducitur ad rem dimetiendam. Etenim vera distãtia rei questæ ab oculo Geometræ, basis gradibus exprimitur: eademq; intelligitur horizonti parallela esse, in plano horizonti consistere, & vsq; ad rem dimetiendam extendi. Dextra Virga autẽ, quia altitudinem rei exprimit, & supra basin perpendiculariter surgit, idcirco intelligitur initium sumere ab extremitate distantię rei dimetiendę, & secundum ipsam turrim, vt in eodem exemplo maneamus, surgere. Quamobrẽ exprimit deinde sini-



de sinistra Virga lineam ab eo loco, quo distantia turris definit versus Geometram in plano, ductam vsque ad turris verticem summum: non autem ab eo loco, quo oculus Geometræ nunc est, superiori scilicet quàm sit turris fundamentum, et vertice ipso inferiori. Itaque si velis habere etiam distantiam linearum, quæ ex oculo Geometræ talem situm habente, producant vsque ad rei fundamentum, aut summum apicem: necessum erit priori modo agere, & gemina operatione rei altitudinem inuestigare.

### QVÆ RATIO SIT DIMETIENDÆ

*turris in monte consistentis, dum tu in valle eris: aut è contrà,  
si tu in monte fueris, qua ratione metiri oportet  
turris altitudinem in valle positæ.*

#### CAPVT XV.



**T** si turris, cuius altitudinem metiri constituisti, in monte posita sit, tu vero in valle fueris: tunc hoc modo progredièris. Instrumento recte collocato, vt sit horizonti paralellum, prospice turris summitatem per Reçtoris pinnulas, & obserua quot gradibus linea fiduciæ attollatur super diametrum eius transuersam: Hisce annotatis rursus prospice per eandem pinulas turris fundamentum, & hîc quoque obserua, quot gradibus linea fiduciæ attollatur supra diametrum. Nam dempto hoc posteriori numero à priori, & eo, quod reliquum est, translato in angulum quem sinistra Virga cum basi efficit, cæterisque eodem modo, vt prius docuimus, administratis: demonstrabitur turris altitudo per gradus dextræ Virgæ inter nodum & intersectionis punctum comprehensos. Quòd si in monte ipse consistens, voles metiri altitudinem turris quæ in valle posita sit: eadem ferè erit operandi ratio. Nam collocato rursus instrumento, vt sit horizonti paralellum, prospiciendum erit per Reçtoris pinnulas inum turris fundamentum: & notandum simul etiam diligenter erit, quantum linea fiduciæ sit infra diametrum.

Hiscē gradibus obseruatis, rursus prospicere oportet summū turris apicem: & hīc etiam quātum eadem fiduciae linea sit infra diametrum, obseruare. Nam hic quoque, dempto posteriori numero à priori, & eo qui relinquitur in angulum Holometri translato, cæterisque secundum præcedentem doctrinam administratis, ostendetur turris altitudo tandem gradibus dextræ Virgæ, inter nodum & punctum intersectionis cum sinistra comprehensis. Sint enim, exempli gratia, dum ex valle turrim in monte collocatam summo vertice conspiciamus, gradus sedecim inter lineam fiduciae & Rectoris diametrum: dum autem eiusdem turris fundamentum spectamus, tunc attollatur linea fiduciae decem gradibus supra diametrum. Quoniam ergo ablato hoc numero à priore, remanēt gradus sex: necessum erit sinistra Virgam à basi super suum quadrantem itidem sex gradibus à basi remouere: postea adæquata basi gradibus distantiae montis, cui incubit turre à te, dextram Virgam perpendiculariter supra basin erigere, & eius intersectionem, vt prius, obseruare.

### QVA RATIONE DISTANTIÆ LO-

*corum, quæ ab horizontis plano inæqualiter absunt, quod alie altius erigant, alie humiliter iaceant, secundum lineam horizontis plano paralellam, mensurari queant.*


### CAPVT XV.

**I**N inuestigandis rerum distantijs secundum longitudinem, gemino posito instrumēti indigemus, & geminis inspectionum locis. Accidit autem quādoque, gemina hæc puncta inspectionum inæqualiter à plano horizontis distare, quod aliud altiori loco positum sit, aliud vero humiliori. Sed tutissimum erit tamen, dum basis gradibus adæquatur, distantia, inter geminarum inspectionum puncta comprehensa, vt id fiat secundum lineam horizontis



zontis plano paralellam. Eam autem, qua ratione inuenias, nunc te docebo. Postquam passus aut pedes iam numerasti, inter geminarum inspectionum puncta comprehensos secundum inæqualem illum situm quem habent, eosque annotasti instrumento recte, vt sepe iam docuimus, collocato, prospice ex vno inspectionis loco, alterum superiorem per Rectoris pinnulas, & simul observa quot gradibus linea fiducia supra diametrum attollatur. Hos gradus transfer in angulum quæ sinistra Virga cum basi efficit, vt eam super suum quadrantem, tot gradibus à basi remoueas, quot in Rectore erant inter lineam fiducia & diametrum transuersam. Hoc ritè obseruato et confecto, erigatur iam dextra Virga super basin perpendiculariter: siue, ita eam admoue sinistrae, vt cum basi angulum rectum interim conficiat. Iamque ita permanente dextra Virga supra basin ad angulos rectos, & sinistra item super eodem sui quadrantis gradu hærente, in quo iam collocata erat: nodos binarum Virgarum contrahas, aut etiam remouebis à se inuicem in ipsa basi, donec dextra Virga sinistram secet tot gradibus à nodo, quot passus, pedes, aut alia mensuræ, inter geminarum inspectionum puncta, iam ante numeraueras, secundum inæqualem videlicet situm, quem obtinent. Nam hîc, quia distantia geminorum locorum, secundum inæqualem situm, quem respectu horizontis planæ obtinent, adæquata est gradibus sinistrae Virgæ, inter nodum & punctum sectionis cum dextra comprehensis: sequitur basis gradus deinde inter geminos nodos Virgarum, exprimere distantiam binorum horum locorum inæqualem situm habentium, secundum lineam horizonti paralellam: dextræ vero gradus, inter nodum itidem & punctum intersectionis cum Virga sinistra comprehensos, demonstrare quanto vnus locus altero altior humiliorue sit atque depressior. Eadem ratione licebit etiam tibi inuestigare, quanta sit linea à montis summo vertice, perpendiculariter descendens vsque ad eius radicem: & quanta item ea sit linea, quæ à loco exteriori à

riori, quo mons surgere incipit, producitur vsque ad interiorē illam, quæ à montis vertice perpendiculariter cadit: quæ res in fodiendis metallis, & cuniculis agendis vtilissima esse poterit. Nam postquam habueris quantitatem lineæ à montis vertice, secundum eius situm declivum descendētis, ope doctrinæ præcedētis, tunc nulla erit operandi à superiori diuersitas. Quod vt ita se habere intelligas, age proposito diagramate rem demonstrēmus. Sint ergo loca geminarum inspectionum, inæqualem situm respectu plani horizontis habentia AB: Dum igitur cum Holometro in B. puncto inspectionis altero fueris, & per Rectoris pinulas A. prospicies locum superiorem, attolletur linea fiduciæ supra diametrum, tantum quantum vides attolli BD. supra BC. Angulus: ergo DBC ex Rectore in quadrantem sinistrae Virgæ translatus in



dem erit: quamobrem adæquata distantia geminorum locorum gradibus sinistrae Virgæ: vt nimirum singulis gradibus sinistrae Virgæ BD. singuli passus distantiae BA respondeant: sequitur gradus basis BC etiam habere eandem proportionē cum BE. quæ est binorum locorum distantia, horizontis plano parallela & dextram Virgam CD. ad angulos rectos supra basin erectam, eodem modo affectam esse cum CA, quæ est



est perpendicularis, cadens ex loco superiori, in lineam ex inferiori loco ductam secundum planitiem horizontis. Sunt enim hîc trianguli bini æquianguli & proinde etiam proportionales: secundum doctrinam iam ante explicatam. Coincidit igitur hoc loco etiam doctrina duodecimæ propositionis, primi Elementorum Euclidis: cætera vero loca, superioribus demonstrationibus citauimus.

**H**Æc de instrumenti pulcherrimi vsu & fabrica docenda habuimus, lector humaniss. quæ ex Italico & Gallico nō tam transtulimus, quam, id quod illi animo perceperunt, oratione autem vix exprimere potuerunt, plana oratione expressimus, & ita planè instrumenti huius vsu explicauimus, ut à quolibet vel mediocris ingenij homine intelligi, & ad vsu reuocari magna cum iocunditate queat. Vocabulis vsi sumus in Geometria vsitatis: partes autem, in quas Virgæ basis quadrās, & Rectoris ambitus diuiditur, gradus docuimus. Nam & gradus propriè sint trecentenæ & sexagenæ circulo- rum partes: tamen quia hæ quoque illarum aliquam rationē obtinent, placuit illos isdem nominibus insignire: præsertim cum liceat etiam, si quis ita velit, Rectoris ambitū & quadrantis limbum, in vsitatum graduum numerum distinguere, perinde ut circuli & eorum quadrantes diuidi contueuerunt.

F I N I S.

ELENCHVS CAPITVM QVAE  
IN HOC VOLUME  
continentur.

DE HOLOMETRO.

- H**olometri vniuersae fabrica, ratione singularum partium ex quibus constat: Tabula nimirum, Rectore, Basi, Virgis, Pede, & horum omnium coniunctio, qua absolvitur *Cap. I*
- Quotuplex sit ratio in vniuersum, vsurpandi huius instrumenti *Cap. II*
- Ratio, qua rerum distantiae secundum longitudinem, vt à nobis absunt, inuestigantur *Cap. III*
- Qua ratione augere oporteat in basi atque Virgis graduum significationē: si quando propter distantiae magnitudinem, Virga se nequeant interfecare *Cap. IIII*
- Spacium inter geminarum inspectionum puncta, per tertiam inspectionē colligi quandoque posse *Cap. V*
- Plurium locorum à nobis distantias ex vnico loco, ne instrumentum plusquam semel transferre oporteat, inuestigari posse *Cap. VI*
- Doctrinae, de his distantijs in longitudinem inueniendi, demonstratio Geometrica *Cap. VII*
- Ratio dimetiendi distantiam, quam habent binæ res à se inuicem, quæ tamen ambæ ab artifice absunt *Cap. VIII*
- Ratio transferendi rerum situs & iustam locorum distantiam, in tabulam Geographicam *Cap. IX*
- Alia ratio id ipsum præstandi, per lineas indicantes longitudinem distantiae, qua res à nobis absunt *Cap. X*
- Demonstratio Geometrica totius doctrinae superioris, de distantijs rerum inuestigandis, & in Geometricam tabulam transferendis *Cap. XI*
- De inuestiganda rerum altitudine aut profunditate, quam habnet nostri respectu, dum in horizontis plano sumus *Cap. XII*
- Eiusdem doctrinae demonstratio Geometrica *Cap. XIII*
- Rei altitudo & profunditas, quomodo breuiori via inuestigari queat *Cap. XIII*



*Quæ sit ratio dimetiendæ turris in monte consistentis, dum tu in valle existis: aut è contrâ, si tu in monte sis turris autem in valle sit posita.*

*Cap. XV.*

*Qua ratione inueniatur diuersitas binorum locorum, ab horizontis plana inæqualiter distantium: quod alter altior, alter humilior sit.*

*Cap. XVI*

F I N I S.













A 3702

Geometris. pract.

